

यज्ञं पृच्छाम्यवमं स तद्भूतो वि वोचति ।

क्व ऋतं पूर्वं गतं कस्तद्विभर्ति नूतनो वित्तं मे अस्य रौदसी ॥ ४ ॥

अमी ये देवाः स्थनं त्रिष्वा रोचने दिवः ।

क्व ऋतं कदनृतं क्व प्रत्ना व आहुतिर्वित्तं मे अस्य रौदसी ॥ ५ ॥

क्व ऋतस्य धर्णसि क्वरुणस्य चक्षणे ।

कदर्यम्णो महस्पथाति क्रामेम दृढ्यो वित्तं मे अस्य रौदसी ॥ ६ ॥

अहं सो अस्मि यः पुरा सुते वदामि कानि चित् ।

तं मा व्यन्त्याध्योऽवृको न तृणजं मृगं वित्तं मे अस्य रौदसी ॥ ७ ॥

सं मा तपंत्यभितः सपत्नीरिव पशवः ।

मूषो न शिश्ना व्यदंति माध्यः स्तोतारं ते शतक्रतो वित्तं मे अस्य रौदसी ॥ ८ ॥

अमी ये सप्त रश्मयस्तत्रा मे नाभिरातता ।

चित्तस्तद्वेदाप्यः स जामित्वाय रेभति वित्तं मे अस्य रौदसी ॥ ९ ॥

अमी ये पंचोक्षणो मध्ये तस्युर्महो दिवः ।

देवत्रा नु प्रवाच्यं सध्रीचीना नि वावृतुर्वित्तं मे अस्य रौदसी ॥ १० ॥

सुपर्णा एत आसते मध्य आरोधने दिवः ।

ते सैधंति पथो वृकं तरंतं यद्भूतोरपो वित्तं मे अस्य रौदसी ॥ ११ ॥

नव्यं तदुक्थ्यं हितं देवासः सुप्रवाचनं ।

ऋतमर्षेति सिधवः सत्यं तातान सूर्यो वित्तं मे अस्य रौदसी ॥ १२ ॥

अग्ने तव तदुक्थ्यं देवेष्वस्त्याथं ।

स नः सत्तो मनुष्वदा देवान्यक्षि विदुष्टरो वित्तं मे अस्य रौदसी ॥ १३ ॥

सत्तो होता मनुष्वदा देवाँ अच्छा विदुष्टरः ।

अग्निर्हव्या सुषूदति देवो देवेषु मेधिरो वित्तं मे अस्य रौदसी ॥ १४ ॥

ब्रह्मा कृणोति वरुणो गातुविदं तमीमहे ।

व्यूर्णोति हृदा मतिं नव्यो जायतामृतं वित्तं मे अस्य रौदसी ॥ १५ ॥

असौ यः पंथा आदित्यो दिवि प्रवाच्यं कृतः ।

न स देवा अतिक्रमे तं मर्तासो न पश्यथ वित्तं मे अस्य रौदसी ॥ १६ ॥

चित्तः कूपेऽवहितो देवान्हवत ऊतये ।

तच्छुश्राव बृहस्पतिः कृण्वन्नहूरणादुरु वित्तं मे अस्य रौदसी ॥ १७ ॥